

schreibung Larij Lacus, das ist/ des Comersees/ Pauli Iovij
Novo Comensis, Episcopi Nucèrini: vnd hernach als
zu der Zeit des Syndicats, ermelter mein Herz sich in drey
Monat zu Meyland enthalten/ in vorbedeuteter Ambrosia-
nischen Bibliothec ein andere Beschreibung des besagten
Comer-Sees Angeli Mediolanensis, vnd letztlich die
jenige/ so Fr. Georgius Iodocus Berganus, des Convents
bey S. Zeno zu Verona, von dem vernampten Lacu Bena-
co, oder Gard-See gemacht/ vnd mit schönen Versen Be-
schriben/ (derer aller Leander Albertus in seiner descrip-
tion Italiae Zierliche meldung thut) gefunden/ vnd noch ein
anderen mit grossem meinem benützen durchschlagen/ vnd fleis-
sig gelesen/ auch auß dem ein vnd anderen/ was mir beliebt
vnd dienstlich hat sein mögen/ so vil mir die Zeit vnd mein
dienst zugelassen/ notiert/ darüber in mir ein vnermäßliche
Begird erwachsen/ auff hegebende heimkunft in mein Vatter-
land nachzuschlagen/ ob auch jemand zu dem Vier Waldstätten
See (als welcher wegen seiner Erlichen qualiteten dessen
wol wehrt) so vil anmuhung getragen/ der denselbigen/ wie
die vorgemelte gethan/ mit solchem fleiß beschriben hette/ hab
ich doch/ außserhalb der bekandten vnd gemeiner Schweizer
Chronicken/ darin diser See nur obenhin berührt vnd abson-
derlichs wenig gemeldet wirdt/ nichts gefunden/ allein daß
mein geliebter Herz Groß-Vatter seeliger Gedächtnus/ Ken-
wart Svat der äiter/ bey etlich gehaltenen Baden Churen
in